

Bosna i Hercegovina
Federacija Bosne i Hercegovine
KANTON SARAJEVO
Ministarstvo za boračka pitanja



Босна и Херцеговина
Федерација Босне и Херцеговине
КАНТОН САРАЈЕВО
Министарство за борачка питања

Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-05-3734-1/19
Sarajevo, 28.02.2019. godine

Na osnovu Programa mjera za poticaj zapošljavanja boračke populacije u Kantonu Sarajevo za 2019/2020. godinu, prihvaćenog Zaključkom Vlade Kantona Sarajevo broj: 02-05-3888-19/19 od 21.02.2019. godine Ministarstvo za boračka pitanja Kantona Sarajevo, o b j a v l j u j e

JAVNI POZIV
za realizaciju mjere podrške zadrugama koje okupljaju boračku populaciju
putem sufinansiranja poslovnih projekata od strane Ministarstva za boračka
pitanja, koji će za rezultat imati novo upošljavanje boračke populacije

I - PREDMET JAVNOG POZIVA

Programom realizacije poticajnih mjera zapošljavanja pripadnika boračke populacije Ministarstva za boračka pitanja Kantona Sarajevo za 2019/2020. godinu broj: 06-05-3734/19 od 20.02.2019. godine planirano je davanje poticaja boračkoj populaciji za podršku zadrugama koje okupljaju boračku populaciju putem sufinansiranja poslovnih projekata od strane Ministarstva za boračka pitanja kojim se ostvaruje novo upošljavanje boračke populacije.

U okviru navedenog Programa usvojena je i mjera podrške zadrugama koje okupljaju boračku populaciju putem sufinansiranja poslovnih projekata od strane Ministarstva za boračka pitanja, koji će za rezultat imati novo upošljavanje boračke populacije. Ova mjera omogućuje pravo sudjelovanja u raspodjeli sredstava koje mogu ostvariti zadruge koje okupljaju boračku/braniteljsku populaciju i registrirane su kao boračke zadruge u Kantonu Sarajevo za obavljanje djelatnosti (proizvodne, uslužne, turističke, zanatske, grafičke, IT tehnologija i sl.) koji se odnose na zapošljavanje boračke populacije, sa razrađenim projektima usmjerenim na realizaciju ciljeva zapošljavanja.

Opći cilj Programa je resocijalizacija boračke populacije putem njihove integracije na tržište rada, odnosno povećanje mogućnosti za njihovo zapošljavanje, te kako bi se i uz druge programe ove vrste i aktivne mjere zapošljavanja u Kantonu Sarajevo moglo utjecati na stvaranje uvjeta za zapošljavanje ovih ranjivih kategorija.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Poseban cilj Programa je poboljšati pristup tržištu rada i stvoriti minimalne uvjete za zapošljavanje boračke populacije, čime bi se povećala konkurentnost ovih lica na tržištu rada. Razvijanje svijesti o potrebi obuke, prekvalifikacije i dokvalifikacije, kao jedan od načina da se ostvari cilj zapošljavanja kompletnih porodica iz ove populacije i izbor deficitarnih, na tržištu traženih i aktuelnih djelatnosti što će dovesti do povećanja konkurentnosti ove populacije kako na tržištu rada, tako i na tržištu uopće.

Predmet ovog Javnog poziva je provođenje mjera zapošljavanja/samozapošljavanja pripadnika boračke populacije prijavljenih na evidenciju nezaposlenih u Kantonu Sarajevo uključujući i članove njihovih porodica tj. odobravanje sredstava za stimulisanje poslovnih projekata boračkih zadruga.

Sredstva planirana u Budžetu Kantona Sarajevo za ove namjene iznose 148.200,00 KM.

II - PRAVO UČEŠĆA

Pravo učešća imaju:

- a) boračke zadruge i zadruge koje u svom sastavu okupljaju najmanje 70% zadrugara iz boračke populacije,
- b) zainteresirani subjekti/pojedinci za podršku u osnivanju boračkih zadruga, kojima će se u određenom iznosu podržati, odnosno refundirati troškovi novoosnovanih zadruga do visine osnivačkog uloga i neophodnih administrativnih troškova registracije.

Pravo učešća u ovoj mjeri nemaju subjekti koji su učestvovali po bilo kojem osnovu ranije u drugim mjerama Programa za poticaj zapošljavanja boračke populacije u Kantonu Sarajevo i to:

- mjeri stimulisanja poslodavaca sa područja Kantona Sarajevo da zapošljavaju pripadnike boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo putem sufinansiranja zapošljavanja;
 - mjeri sufinansiranja za samozapošljavanje boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo;
- a sada bi htjeli ostvariti poticaj putem boračke zadruge.

Pravo učešća u ovoj mjeri nemaju subjekti koji su ostvarili novčanu pozajmicu za otvaranje radnih mjesta (član 24. Zakona o dopunskim pravima boraca/branitelja BiH) putem ovog Ministarstva.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

III - NAČIN ODOBRAVANJA SREDSTAVA I OPĆI, POSEBNI KRITERIJI I KRITERIJI ZA OCJENU POSLOVNIH PLANOVA ZADRUGA

Odobrovanje sredstava iz tačke I ovog poziva vršiti će se u skladu sa općim, posebnim kriterijima i kriterijima za ocjenu poslovnih planova zadruga.

Opći kriteriji za odobrenje sredstava za sufinansiranje boračkih zadruga su:

- a) da je boračka zadruga registrirana u Kantonu Sarajevo,
- b) pripadnost boračkoj/braniteljskoj populaciji, za aplikante pojedince za podršku u osnivanju boračke zadruge.

Posebni kriteriji za odobrovanje sredstava za sufinansiranje poslovnih planova zadruga su:

- 1) Vrsta djelatnosti:
 - a) Proizvodna i turistička djelatnost 30 bodova
 - b) Intelektualna i uslužna djelatnost 20 bodova
 - c) Ostalo 10 bodova
- 2) Trenutni broj zaposlenih radnika:
 - a) 1 – 3 10 bodova
 - b) 4 – 7 15 bodova
 - c) 8 i više 20 bodova
- 3) Broj novouposlenih radnika po poslovnom planu:
 - a) 1 – 3 10 bodova
 - b) 4 – 7 15 bodova
 - c) 8 i više 20 bodova
- 4) Ocjena poslovne ideje:
 - a) Zadovoljava 10 bodova
 - b) Dobra 15 bodova
 - c) Odlična 20 bodova
- 5) Ocjena poslovnog plana:
 - a) Zadovoljava 10 bodova
 - b) Dobra 15 bodova
 - c) Odlična 20 bodova
- 6) Vlastito učešće:
 - a) do 5.000,00 KM 10 bodova
 - b) od 5.000,00 KM do 10.000,00 KM 20 bodova
 - c) preko 10.000,00 KM 30 bodova
- 7) Visina traženih sredstava po jednoj osobi za zapošljavanje ili samozapošljavanje:
 - a) do 4.000,00 KM 20 bodova
 - b) od 4.000,00 KM do 6.000,00 KM 15 bodova
 - c) preko 6.000,00 KM 10 bodova
- 8) Boračke zadruge koje prvi put apliciraju na ovaj Program za poticaj zapošljavanja 5 bodova



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Kriteriji za ocjenu poslovnih planova zadruga su sastavni dio Programa mjera za poticaj zapošljavanja boračke populacije u Kantonu Sarajevo za 2019/2020. godinu prema kojima se poslovni planovi ocjenjuju sa konačnom ocjenom:

1. ZADOVOLJAVA
2. DOBAR
3. ODLIČAN

Opći kriteriji su eliminatorni, dok će se po posebnim vrijednovati zaprimljene aplikacije koje ispunjavaju opće kriterije i vršiti ocjena poslovnih planova, te na osnovu osvojenih bodova sačiniti će se rang lista.

U slučaju da nakon vrijednovanja aplikacija, dva ili više aplikanata imaju jednak broj bodova, prednost ima aplikant sa većim brojem zaposlenih, a ako imaju jednak broj zaposlenih onda prednost ima aplikant iz proizvodne i turističke djelatnosti, odnosno ako dva ili više aplikanata i dalje imaju isti broj bodova, prednost se daje aplikantu koji je prije podnio aplikaciju za učešće u ovoj mjeri.

Najveći iznos koji može biti odobren zadruzi je 7.800 KM po jednoj novouposlenoj osobi (iznos najniže bruto plaće u Federaciji BiH za godinu dana), odnosno 3.500 KM za osnivanje zadruge.

Vrijednovanje aplikacija se vrši na osnovu priložene dokumentacije, u skladu sa naprijed navedenim kriterijima. Vrijednovanje vrši Stručni tim pri Ministarstvu, koji sačinjava i prijedlog liste aplikanata za učešće u mjeri. Konačnu listu aplikanata utvrđuje Ministar nakon čega se pristupa zaključenju ugovora sa aplikantima čije su aplikacije za učešće u ovoj mjeri prihvaćene.

Ugovorom se uređuju međusobna prava i obaveze Ministarstva i aplikanata, obavezu aplikanta za zaključenje ugovora o radu sa nezaposlenom osobom prijavljenoj na evidenciji nezaposlenih u Kantonu Sarajevo sa punim radnim vremenom na period od najmanje 12 mjeseci, držanje registrovane djelatnosti najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu istog broja zaposlenika koji je zatečen u periodu podnošenja zahtjeva, uvećan za broj sufinansiranih osoba, obavezu pravdanja pomenutih troškova i dr.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

IV- DOKUMENTACIJA

Svi subjekti prilikom apliciranja na Javni poziv dužni su dostaviti slijedeću osnovnu dokumentaciju:

- a) Adekvatno popunjen i ovjeren aplikacioni formular;
- b) Rješenje o registraciji (izuzev za one koji traže podršku za osnivanje);
- c) Projekat za koji se traži sufinansiranje sa slijedećim elementima;
 - 1) Poslovni plan sa očekivanim prihodima i rashodima, te visinom vlastitog učešća;
 - 2) Druge činjenice i dokazi koje govore u prilog opravdanosti projekta, njegovom kapacitetu za zapošljavanje boračke populacije (dokaz o vlasništvu, ovjerena kopija ugovora o zakupu ili korištenju, kao i drugog resursa sa kojim aplikant raspolaze);
- d) Zadrugna pravila;
- e) Dokaz o zadrugarskom statusu (spisak zadrugara registrovanih u knjigu zadrugara ovjeren od strane nadležnog organa);
- f) Uvjerenje o pripadnosti boračkoj populaciji za zadrugare, kao i za članove njihovih užih porodica ukoliko su sastavni dio projekta ovjereno od strane nadležnog općinskog organa ili notara;
- g) Uvjerenje o radnom statusu članova zadruge (zaposlen ili nezaposlen), odnosno člana ili članova uže porodice ukoliko su sastavni dio projekta;
- h) Ugovor ili potvrdu od banke o otvaranju računa sa navedenim transakcijskim/tekućim računom;
- i) Potvrda o izvršenoj zadrugnoj reviziji koju izdaje Federalni zadrugni savez (ne starija od 2 godine) osim za novoformirane zadruge;
- j) Uvjerenje o izmirenim obavezama po osnovu poreza i doprinosa **ne starije od 30 dana od dana objave javnog poziva sa listingom o trenutnom broju zaposlenih (Porezna uprava FBiH)**,
- k) Uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (Uprava za indirektno oporezivanje BiH), a ukoliko nije PDV obveznik zadruga može dostaviti izjavu ovjerenu od strane nadležnog općinskog organa ili notara;
- l) Izjava odgovornog lica za sve članove zadruge, da nisu istovremeno članovi neke druge boračke zadruge, ovjerena od strane nadležnog općinskog organa ili notara;
- m) Dokaz o vlasništvu, najmu, zakupu ili koncesiji nad zemljištem ili prostorom ili drugim resursima, mehanizaciji i opremi na kojem će se provesti investicija;
- n) Izjava o visini odobrenih (dobijenih) finansijskih sredstava za ove namjene, od bilo kojeg nivoa vlasti u proteklom (prethodnom) periodu, ovjerena od nadležnog općinskog organa;
- o) Izjava da nisu učestvovali po bilo kojem osnovu ranije u drugim mjerama Programa za poticaj zapošljavanja boračke populacije i to:





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

- mjeri stimulisanja poslodavaca sa područja Kantona Sarajevo da zapošljavaju pripadnike boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo putem sufinansiranja zapošljavanja;
 - mjeri sufinansiranja za samozapošljavanje boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo;
 - da nisu ostvarili novčanu pozajmicu za otvaranje radnih mjesta (član 24. Zakona o dopunskim pravima boraca/branitelja BiH) putem ovog Ministarstva;
- p) Uvjerenje o pripadnosti boračkoj populaciji za aplikante, kao i za članove njihovih užiđ porodica, ukoliko su sastavni dio projekta;
- q) i druga dokumentacija na zahtjev Stručnog tima.

V- PROCES ODABIRA I OBJAVA LISTE

Proces odabira će vršiti Stručni tim, a Ministar donosi konačnu odluku o dodjeli sredstava po Javnom pozivu.

Svi podnositelji će se bodovati i rangirati, a rang lista će biti objavljena na info-punktu Ministarstva za boračka pitanja Kantona Sarajevo (šalter sala Kantona Sarajevo), telefon: 033/562-273 i web stranici Ministarstva www.mbp.ks.gov.ba.

Ministarstvo na osnovu konačne odluke zaključuju ugovore sa krajnjim korisnicima.

VI - NADZOR, KONTROLA I IZVJEŠTAVANJE

Odobrena sredstva za pomoć zadrugama iz Budžeta Ministarstva moraju se iskoristiti za odobrene namjene, prema odredbama ugovora koje će ministarstvo sklopiti sa korisnicima sredstava. Svaki korisnik sredstava odobrenih po ovom Javnom pozivu, obavezan je nakon realizacije odobrenih projekata, a po potrebi i na zahtjev Ministarstva, dostaviti detaljan izvještaj o utrošku odobrenih sredstava sa finansijskog aspekta zajedno sa kompletnom dokumentacijom, što će se detaljnije propisati odredbama pojedinačno sklopljenim ugovorima sa korisnikom sredstava.

Za izvršenje ugovora aplikanti su obavezni obezbijediti безусловnu bankovnu garanciju na odobreni iznos sredstava ili bjanko mjenicu, a sredstva za osnivanje zadruge doznačavat će se na bazi refundacija kada aplikanti dostave dokaze o osnivanju zadruge.

Aplikanti koji budu korisnici ove mjere zapošljavanja dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u opravdanim slučajevima prekida radnog odnosa (odlaska u penziju postojećih radnika i prekida radnog odnosa iz opravdanih razloga).





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

VII - OSTALE INFORMACIJE

Lica (fizička ili pravna) koja su već ostvarila pravo na novčanu pomoć po istom ili sličnom osnovu, a ne radi se o nastavku realizacije projekata, neće se uzimati u razmatranje.

Zahtjevi zadruga koje nisu dostavile pravdanje ili je isto dostavljeno neadekvatno, za već odobrena sredstva po javnom pozivu iz 2018. godine, neće se uzeti u razmatranje.

Zahtjevi se dostavljaju u roku od 21 dan od dana objavljivanja ovog poziva, a mogu se po potrebi zaprimati i sve do isteka za ove namjene planiranih sredstava.

Zahtjevi koji nisu kompletirani sa traženim dokumentima iz tačke IV ovog poziva, mogu se dopuniti i kompletirati u razumnom roku, a do tada se neće uzimati u razmatranje.

NAPOMENA:

- Obavezno predavati fotokopije dokumenata koje moraju biti ovjerene ili original dokumenta.
- Predata dokumentacija svih aplikacija neće se vraćati podnosiocima zahtjeva.

VIII - MJESTO PODNOŠENJA ZAHTJEVA

Za priznavanje i ostvarivanje navedenog oblika prava, zahtjevi na posebno propisanom obrascu sa potrebnom dokumentacijom podnose se na slijedeću adresu: Ministarstvo za boračka pitanja Kantona Sarajevo, ulica Reisa Džemaludina Čauševića br. 1, 71000 Sarajevo putem pošte ili ličnim podnošenjem u šalter sali Kantona Sarajevo.

Informacije vezano za predmet Javnog poziva mogu se dobiti na info-punktu Ministarstva za boračka pitanja Kantona Sarajevo (šalter sala Kantona Sarajevo), telefon: dir. 033/562-273 ili Centrala 033/562-000 lokal 2273.

Tekst Javnog poziva, propisani aplikacioni formulari i rang lista biće dostupni na Web stranici Ministarstva www.mbp.ks.gov.ba.



MINISTAR
mr. Ismir Jusko

